



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**


Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

The image shows the front cover of an antique book. The cover is decorated with a marbled pattern of dark green and black swirling shapes on a lighter green background. A dark brown spine is visible on the left. At the top left, there is a piece of torn, aged paper. A small, rectangular, light-colored paper label is affixed to the bottom left of the cover, containing the number 4611.

4611

2758

2368

Պ Ա Պ Ի

ՁԵՌՆՈՑՆԵՐԸ

4611

Տանկական Էպո:



«Բանն հիվ անի, ես ու գու...»
«Հացն հիվ ուտի, ես ու գու...»
(առած)

Թարգմանեց

ԳՐԻԳՈՐ ՀԱՀՐՈՒԴԱՂԵԱՆ.



ԹԻՖԼԻՍ.

ՏԳԱՐԱՆ ՄՈՎՍ. ՎԱՐԴԱՆԵԱՆՑ ԵՒ ԸՆԿ.
1881





ՊԱՊԻ ՁԵՌՆՈՑՆԵՐԸ:

Մանկական վեպ:

Քուամպօն ճանապարհ էր ընկնում բաղդ որոնելու: Սա մի գեղեցիկ եռանդոտ երիտասարդ էր, եւ իւր վերայ շատ մեծ կարծիք ունէր. յոյս կար, որ ժամանակով երեւելի մարդ դառնար:

Հայրական տունը թողնելու օրուայ նախընթաց գիշերը նստած մօր հետ լառարանի առաջ, նա մեծ բաւականութեամբ պատմում էր այն երջանկութեան մասին, որ սպասում է իրան ապագայում, նա պատ-

Доз. Ценз. Тифлисеъ, 17-го Ноября 1881 года.
Тип. М. Вартамянца и К^о, Троиц. пер., д. №11.

մուճ էր, թէ ինչպէս հարստացած տուն
կը վերադառնայ, եւ իւր հետ կը տանի
իւր սիրելի մօրը նոր շինած շքեղ պա-
լատը, ուր փոխանակ հիմիկուան պէս
ամեն օր կերակուր եփելու, տունն աւել-
ելու, շորերը լուանալու եւ կարկատելու,
եւ այսպիսի օգտակար պարապմունքնե-
րով ժամանակ անցնելու, նա ամբողջ օրը
նստած հրաշալի փղոսկրեայ բազկաթռի
վերայ հրամաններ կը տայ գեղեցիկ նա-
ժիշտներին, որոնք նորան ծառայելու
պատրաստ կը լինին. Իսկ բարեկամներին
տեսութիւն անելու եւ զբօսանքների համար
կ'ուեննայ հիանալի կառք, չորս սեւ սա-
թի պէս գեղեցիկ ձիաներով: Գուամպօփ
կարծիքով այս ամենամեծ երջանկութիւնն
էր, որին կարող էր մարդ հասնել: Իսկ
մայրը՝ — որը՝ ուղիղն ասած, փոքր ինչ

թեթեւամիտ էր եւ բոլորովին կուրացած
սպառազայի այն հրաշալի երազներով, որ
պատմում էր նորա սիրելի որդին — ո՛չ միայն
չէր աշխատում չափաւորելու նորա փառա-
սիրական ձգտումները, այլ ընդհակառա-
կըն, աւելի եւս խրախուսում էր, բարձրա-
ձայն հաստատելով, որ աշխարհումս հա-
րուստ եւ երեւելի մարդ լինելուց առաւել
լաւ բան չը կայ, եւ եթէ Գուամպօփն կը յա-
ջողուի հարստանալ եւ երեւելի դառնալ,
իւր նուիրական ցանկութիւնը կատարուած
կը լինի եւ այնուհետեւ հանգիստ սրտով
կը մեռնի: Գուամպօփ հայրը, որը փոքր
ինչ հեռու, փափուկ բազկաթռի վերայ
հանգստանում էր, (նա հիւանդ էր) կար-
ծես թէ ուշք չէր դարձնում կնոջ եւ որ-
դու խօսակցութեան վերայ, բայց յանկարծ
խօսք առաւ եւ ասաց վճռաբար:

—Աւելի լաւ է բարի եւ ազնիւ լինել՝ քան հարուստ եւ երեւելի: Ես հանգիստ սրտով գերեզման կը մտնեմ, եթէ Գուամպօն տուն վերադառնայ բոլորի սէրն ու յարգանքը գրաւած:

Գուամպօն փոքր ինչ շիոթուեցաւ, բայց մայրը նշան արաւ: որ ուշք չը դարձնէ հօր խօսքերին: որովհետեւ ծերունուն խելագար էր կարծում: Ծերունին ամեն բանից վեր էր դասում բարեսրտութիւնը եւ ազնուութիւնը, եւ ոչ թէ հարստութիւնն ու մեծութիւնը: Իսկ մի անգամ ինքը քաղցած լինելով, իւր ճաշը ինչպէս յետոյ իմացուեցաւ:— մի խղճուկ աղքատի էր տուել, որը եկել էր նորա տուն ոգորմութիւն խնդրելու: Բացի սորանից, նա օրինակ՝ չէր կարող դիմանալ բամբասանքին, եւ երբ հարեւան կանայք հաւաք-

վում էին նորա կնոջ մօտ բամբասելու մի բարեկամի, նա նոցա ամաչեցնելով հասկացնում էր, որ ամենալստ բան է ուրիշի յանցանքները քննել, եւ ինքը դեռ մինչեւ հիմա չէ իմանում, թէ ի՞նչ մեծ բաւականութիւն են զգում մարդիկ, երբ մերձաւոր բարեկամի անունը կոտորում են. էլ չը յիշելով, թէ որքան ստոր եւ անազնիւ բան է յարձակուիլ այնպիսի մարդու վերայ, որը չի կարող պաշտպանուիլ: Ծերունու այսպիսի խրատները հաճելի չէին հարեւաններին եւ վերջ ի վերջոյ ամենքը նորան խելագար եւ յիմար ծերուկ էին համարում: Իսկ կիներ եւ մինչեւ անգամ որդին հաստատում էին նոցա կարծիքը, այնպէս որ երբ այս ազնիւ մարդը խրատում էր, նորա խօսքին ոչ ոք ահանջ չէր դնում: Այդպէս էլ հիմա էր: Գուամպօն

ուշք չը դարձնելով հօր խօսքերին ցածր
 ձայնով հարցրեց մօրը, թէ առաջին ան-
 գամ ի՞նչ բանով սկսի պարապել, որ շուտ
 հարստանայ: Մայրը կարծում էր, որ շուտ
 հարստանալու համար ամենից լաւն էր
 ձեռքերին միշտ ձեռնոցներ ունենալ.
 Երրովհետեւ, ասում էր նա, ամենից ա-
 ռաջ հարկաւոր է որ մարդու ձեռքերը
 միշտ մաքուր լինին, իսկ մաքուր լինելու
 համար պէտք է ձեռքերը միշտ ծած-
 կուած պահել: Եւ խօստացաւ Գուամպօ-
 յին մի զոյգ շան կաշուց շինած ձեռնոց-
 ներ տալ, որոնք երբեմն իւր հօրն էին
 պատկանում: (Որը մի Ժամանակ բաւա-
 կան շատ փող էր վաստակել, բայց նորանով
 արդեօք, որ միշտ ձեռնոցները հագին
 էր մանգալիս թէ ոչ, այդ նա չը գի-
 տէր): Նա որոշեց, որ միւս առաւօտ, որ-

դու ճանապարհ ընկնելուց առաջ, իւր
 ձեռով կը հագցնի եւ կը կապի այն ձեռ-
 նոցները, որոնց վերայ այնքան մեծ յոյս
 էր դրել:

Կէս գիշերն անցել էր, երբ մայր ու
 որդի իրանց խորհուրդն աւարտեցին,
 ընթրիք կերան եւ գնացին քնելու:

Գուամպօի համար լաւ առաւօտ լուսա-
 ցաւ. արեգակը պայծառ լուսաւորում էր.
 Թռչուններն ուրախ երգում էին եւ աշ-
 խարհքը զուարճանում էր: Նա հագաւ ճա-
 նապարհի շորերը եւ կուշտ նախաճաշելուց
 յետոյ, յիշեցրեց մօրը խօստացած ձեռ-
 նոցները: Մայրը իսկոյն բերեց, իւր ձեռով
 հագցրեց եւ այնպէս ամուր կապոտեց, որ
 եթէ Գուամպօն շատ էլ ցանկանար, չէր
 կարող առանց ուրիշի օգնութեան յետ ա-
 նել, երբ նա գնաց վերջին մնաս բարեւա-

սելու հօրը՝ ծերունին փաթաթուեցաւ նորա վզով: դողդոջուն շրթունքներով համբուրեց նորան եւ խնդրեց որ չը մոռանայ իւր ասածները, թէ հարկաւոր է բարի եւ ազնիւ լինել: «Կատարի՛ր իմ խօսքերը, որդեակ, եւ դու երջանիկ մարդ կը լինիս»: Ապա բռնեց որդու երկու ձեռքերից, որ պինդ սեղմի իւր կուրծքին, եւ տեսաւ ձեռնոցները:

— Ի՞նչ գարշելի բան, ասաց նա. հանի՛ր ձեռնոցներդ, որդեակ, դճբա շատ կը խանգարեն քեզ կեանքի փշալից ասպարիզում. եւ քանի մեծանաս, կը տեսնես որ շատ յաճախ օգնութեան ձեռք պէտք է մեկնես ընկերիդ, իսկ այդ գարշելի ձեռնոցներով ի՞նչպէս կարող ես օգնել ուրիշին կամ ինքդ քեզ: Բայց Գուամպօն ո՛չ թէ սորան էր հաւատում, այլ

մօրը, եւ այս պատճառաւ իսկոյն թողեց ծերունուն, եւ չը ցանկանալով այլ եւս նորա ձանձրալի խրատները լսել, շուտով դուրս գնաց տնից, մինչեւ անգամ մօրն էլ չը բարեւելով: այն մօրը, որը այնքան սիրել եւ փայփայել էր նորան: Մայրը շատ վըշտացաւ, երբ տեսաւ թէ ինչպէս իւր սիրասուն զաւակը, առանց յետ նայելու վազում է, ամենեւին չը մտաբերելով իրան, Խեղճ կին. այժմ միայն հասկացաւ, որ որդու այն եսասիրութիւնը, որ ինքն էր զարգացրել, առաջինը իրեն վնասեց. որովհետեւ Գուամպօն իր ասածի էր եւ այդ պատճառաւ էլ չ'ուզեցաւ տեսնուել մօր հետ, որ չը զրկուի ձեռնոցներից:

Մի քանի մղոն անցնելով, Գուամպօն պատահեցաւ մի գիւղացու, որ սայլակով ճանապարհ էր դնում: Գուամպօն տես-

նելով, գիւղացին կանգնացրեց սայլակը, եւ բարեկամաբար առաջարկեց երիտասարդ ճանապարհորդին նստել իւր կողքին: Գուամպօն քաղաքավարութեամբ պատասխանեց, որ թէ եւ հաճելի էր սայլակով գնալ, բայց որովհետեւ դեռ նոր է սկսում հարստանալ, այդ պատճառաւ էլ դեռ փող չ'ունի այդպիսի շուսյութեան համար: (Նա կարծում էր, թէ ճանապարհին ուլ որ պատահում էր նորան, ամենքն էլ իր պէս ցանկանում էին հարստանալ): Նա շատ զարմացաւ, երբ գիւղացին ծիծաղեց նորա խօսքերի վերայ, եւ խնդրեց նորան «թուչել սայլակը» ասելով. «դու ինձ առանց փող էլ կարող ես սայլակի վարձը վճարել»: Գուամպօն այս շատ ձեռնտու էր, եւ իսկոյն նստեց սայլակը եւ շատ գոհ էր, որ վերջապէս կարողա-

ցաւ հանգստանալ: Նորա բաւական տեղ գնացին, ուրախ խօսակցելով իրար հետ: Գիւղացին սայլակը կանգնացրեց մի բանջարանոցի մօտ, ուր գետնախնձոր էր ցանած, եւ մի վայրկեանում թռաւ սայլակից, ձին կապեց սիւնից եւ ասաց Գուամպօն. «Իէ՛հ, գնանք շուտով, ես շտապում եմ. պէտք է մի պարկ գետնախնձոր հաւաքեմ եւ եղբորս համար տանեմ: Իէ՛հ, վեր թռիր շուտով, եւ օգնիր ինձ, որովհետեւ «ուլ չուստ» նա կուշտ», ասում է առածը»: Գուամպօն թէ եւ այս շատ հաճելի չէր, բայց սիրտ առնելով, համաձայնուեցաւ: Այն միտքը՝ թէ նա պէտք է կռանայ եւ արի տես որ շորերն էլ կեղտոտի, վշտացնում էր նորան. եւ մէկ էլ մտածում էր, որ նա ձրի է աշխատում, մոռանալով որ գիւղացին

այնքան երկար ճանապարհ իրան անվարձ էր բերել: Բայց եւ այնպէս՝ նա համաձայնեցաւ գետնախնձոր հաւաքել: Նա շատ դանդաղ եւ անսիրտ էր աշխատում եւ մանաւանդ որ ձեռնոցները շատ էին խանգարում նորան, որովհետեւ մատները շատ երկայն էին եւ գետնախնձորն ամեն ընդհանուրէն ձեռքից դուրս էր ընկնում: Նա շատ քիչ բան աւելացրեց այն կոյտին, որը շուտով այնքան մեծացաւ, որ կարելի էր պարկը լցնել: Գիւղացին լցրեց պարկը՝ հեգնական ծիծաղով խեղճ Գուամպօի չնչին հաւաքածն էլ վրան աւելացրեց, պարկը ուսին դրած, տարաւ սայլակումը տեղաւորեց, ապա ինքն էլ թռչելով՝ Գուամպօին գլխով արաւ, ասելով. «Մընաս բարեաւ, բարեկամ. եթէ քո սպիտակ, բնորոշ ձեռքերը չեն կարող աշխատել:

տել: Թո՛ղ ուրեմն ոտներդ չը շփուցեն», եւ նա առաջ գնաց, թողնելով ամօթահարուած եւ յոգնած Գուամպօին կէս ճանապարհին:

Բայց սա շուտով սիրտ առաւ, մխիթարեց ինքն իրան, մտածելով, որ գիւղացին այնքան յիմար եւ անկիրթ մարդ էր, որ մինչեւ անգամ չը գիտէր, թէ ի՞նչ մեծ բան է ձեռքերը մաքուր պահել հարստանալու համար, եւ այլ եւս երկար չը մտածելով նորա կոպիտ վարմունքի վերայ, շարունակեց ոտով իւր ճանապարհը: Այսպէս շատ երկար ճանապարհորդեց, շատ մարդոց պատահեցաւ, շատ արկածներ անցան նորա գլխով: Մինչեւ որ վերջապէս դառնութեամբ համոզուեցաւ, թէ մարդիկ այնքան ձանձրացել են իրանից, որ չեն էլ ուզում նորա հետ գործ

15
88 = 181
Մանգոլստ. Գ. Ս. 181

2458

ունենալ: նա թէ եւ աշխատում էր միշտ
քաղաքավարի լինել, եւ հաստատ գիտէր,
որ ինքը վայելչահասակ է եւ գրաւիչ,
որովհետեւ մայրը շատ անգամ էր ասել
թէ նորա պէս սիրուն տղայ քիչ կը լինի:
Բայց չը նայելով որ նա գեղեցիկ էր, նա
ոչ մի բարեկամ չ'ուներ. եւ մինչեւ ան-
գամ նորա, որոնք առաջ սիրով ընդու-
նել էին նորան, վերջը երեսը դարձնում
էին նորանից, չէին ուզում բարեւ տալ
եւ ճանապարհ էին ցոյց տալիս: Բանն
այն էր, որ Գուամպոն չէր ուզում ձեռ-
քերին ծանրութիւն տալ. ձեռքերը չը
կեղտոտելու համար այնպէս ամուր էր
հագել ձեռնոցները, որ անընդունակ էր
դարձել որ եւ է բարի եւ օգտակար գործ
կատարելու. եւ միայն խանգարում էր ու-
րիշներին: Փամանակն անցնում էր, բայց

նա դեռ եւս հարստանալու ճանապար-
հը չէր գտել, եւ կարծես թէ աւելի եւս
շեղուել էր նորանից: Նորա հագուստը
կամաց կամաց հնանում էր. նա օրէց օր
նիհարանում էր եւ դեղնում. եւ խեղճ
երեխան օրէցօր հալվում — մաշվում էր:
Այժմ էլ խօսք չէր կարող լինել շքեղ
պալատի եւ մօրը խօստացած փղոսկրեայ
բազկաթռուի մասին: նա մինչեւ անգամ
դժուարանում էր գիշերը քնելու տեղ գտ-
նել, որովհետեւ նորա ծանօթները (նա
բարեկամներ չ'ուներ) ծուռ աչքով էին
նայում նորա վերայ, հրք տեսնում էին
որ նա մօտենում էր, եւ այսպէս խեղճ
պատանին իրան թշուառ եւ անբաղդ էր
համարում: Գուամպոն արիասիրտ էր.
բայց միայնակութեան եւ անհիւրընկալու-
թեան ամենաքաջ սիրտն էլ չի դիմանալ:

Մի անգամ, յոգնած եւ յուսահատուած քաղաքից դուրս եկաւ, եւ գնաց դաշտը: Նա սկսեց ծաղիկներ հաւաքել եւ մխիթարուել նոցանով, որոց այնքան սիրում էր եւ որոնցով զմայլվում էր մանուկ հասակում: Բայց ձեռնոցները դառնայրին նորա այս բաւականութիւնը: Նա տեսաւ որ հաւաքած սիրուն ծաղիկները արորուած են եւ թառամած կոպիտ ձեռնոցներով: Եւ իւր ծնած օրն անիծելով, ծաղիկները ջրանցքը ձգեց: Աշտաբեկ սրտով հանգստացաւ մի աղբիւրի մօտ: Սաստիկ տօթ էր եւ շոգ, իսկ աղբիւրի պարզ ջուրը արագ արագ խոխոջում էր: Նա ուզում էր ծարաւը յագեցնել եւ վերականգնել իւր թուլացած ոյժերը, բայց աման չը կար, որով կարողանար ջուր խմել: Իսկ բաժակի կամ ջրամանի տեղ բռնով խը-

մել չէր կարող, որովհետեւ ձեռքերին հագած ունէր շան կաշին եւ ամուր կապկպած:

Թշուառ պատանին յուսահատուած երեսի վերայ ընկաւ աղբիւրի սփին:

Հէնց այն րոպէին, երբ նա մտածում էր, որ առաւել լաւ կ'անէր, եթէ քայլերը դէպի տուն ուղղէր, չը կատարելով մօր անմիտ ցանկութիւնները, աղբիւրի փին մի փոքրիկ աղջիկ երեւեցաւ, սաստորն ուսին, որը արագ արագ մօտենում էր աղբիւրին: Նա կանգնեց աղբիւրի մօտ, լցրեց սաստորը ջրով եւ ուզում էր տուն վերադառնալ, երբ յանկարծ նկատեց որ Գուամպօն աչքերը չռած, նորա սաստորին է նայում: Աղջիկը կարմրելով, արագ մօտեցաւ նորան, եւ տուեց ջրով լի ամանը: Գուամպօն շնորհակալութիւն արաւ, եւ ծարաւը յագեցնելով

զգաց որ նոր հոգի առաւ: Փոքրիկ աղ-
ջիկը շատ սիրուն եւ գրաւիչ էր, եւ թէ
եւ Գուամպոյի պէս հաստ ձեռնոցներ չու-
նէր հագած, բայց նորա ձեռքերը շատ
մաքուր եւ սպիտակ էին: Այս բանը
Գուամպոյին մտածման մէջ ձգեց: Գուամ-
պոն նայում էր աղջկան այն ժամանակ,
երբ վերջինս մօտենում էր աղբիւրին լըց-
նելու դատարկուած սափորը եւ արդէն
ուզում էր վերկենալ տեղից եւ ազատել
աղջկան այս աշխատանքից, — ինչպէս կ'ա-
նէր նոյնը մի փոքր ի շատէ քաղաքավա-
րի մարդ, — բայց հին եսասիրութիւնը յաղ-
թող եղաւ, եւ նա իւր տեղը մնաց, մտա-
ծելով որ նախ եւ առաջ պէտք է ձեռնոց-
ները պահպանել, իսկ քաղաքավարութեան
համար դեռ շատ ժամանակ ունի, նա
այն ժամանակ էլ կարող է քաղաքավարի

լինել, երբ կը հարստանայ եւ ձեռնոցների
կարօտ չի լինիլ: Մինչդեռ այսպիսի դուրե-
կան մտքերով էր զբաղուած, յանկարծ
նորան սարսափեցրեց փոքրիկ աղջկայ ա-
ղկտուր ձայնը: Յետ նայելով, տեսաւ
որ աղջիկը գլխակոր աղբիւրի վերայ,
կարծես թէ մի բան է որոնում նորա
յատակում: Իսկ դատարկ սափորն ըն-
կած էր գետնին: Այժմ արդէն Գուամ-
պոն չէր կարող չը մօտենալ եւ չը հարց-
նել պատճառը: Աղջիկը հեծեծալով հաս-
կացրեց, որ սափորը լցնելիս, ձեռքից ձը-
գել էր ոսկի դրամը եւ ահա փայլում էր
ջրի յատակում: Ոսկին հօր վաստակի մի
մասն էր, որը աղջկայ ձեռքով ուղարկում
էր կնոջը: Այժմ ինչպէս տօւն վերա-
դառնայ: Նա թէ եւ տեսնում է ոսկին
որ տեղ է ընկած, բայց չի կարողանում

Հանել: Յանկարծ մի միտք ծնուեցաւ նորա
 գլխում եւ բացականչեց: «Գուք մեծ էք» եւ
 ձեր ձեռքերը երկայն են: Ձի՞ կարելի որ Հա-
 նէք այդ ոսկին»: Խեղճ Գուամպօն այժմ
 ափսոսում էր, որ ինքը բարձրահասակ է եւ
 երկայն ձեռքեր ունէ: Շատ ցաւում էր, որ
 ոսկին Հանելիս, կարող է ճանապարհի շորը
 կեղտոտել եւ ձեռնոցները փչացնել: Աեր-
 ջապէս նա փորձեց կռները վերքաշել եւ
 տեսնել, թէ արդեօք չի՞ կարելի ջուրը չը
 մտած, ափից Հանել ոսկին: Սաստիկ նե-
 ղացած, նա կամեցաւ բարկանալ աղջկայ
 անղգոյշ վարմունքի վերայ: բայց երբ նայեց
 նորա տխուր, բարի դէմքին, ամօթահա-
 րուեցաւ. բացի սորանից, աղջկայ Գուամ-
 պօի վրայ ունեցած մտահոլութիւնը, թէ
 նա կարող էր Հանել ոսկին: գրգռեց նո-
 րա ինքնասիրութիւնը: նա մտեցաւ աղ-

բիւրին, ծուսկ չողեց, եւ ուզում էր ար-
 դէն իւր մերկ, բայց ձեռնոցներով կապ-
 կաած ձեռքը ջուրը կոխել, երբ յանկարծ
 աղջիկը ձեռքից բռնեց, բացականչելով.
 «Սպասեցէք»: թէ Ստաուած կը սիրէք,
 սպասեցէք. եթէ չը՞հանէք ձեռքերիցդ
 այդ գարշելի ձեռնոցները, դուք վայր կը
 ձգէք ոսկին եւ կը կորցնէք»: Գուամպօն
 զգաց, որ նորան կատարեալ յիմարի տեղ
 են դնում,— եւ յիրաւի որ յիմարութիւն
 անողին խելօք ոչ սք չի ասիլ,— նա սիրտ
 առնելով: մեկնեց աղջկան կուռը, եւ
 խնդրեց որ իւր հին, այլանդակ ձեռնոցի-
 թելերը յետ անի: Այս աւելի հեշտ էր ասե-
 քան կատարել. բայց տոկուսն Համբերու-
 թիւնը յաղթում է առաւել մեծ դժուարու-
 թիւնների:

Շուտով Գուամպօն տեսաւ նորից իւր

ձեռքը՝ որը այժմ շատ սպիտակ եւ քրն-
 քոյշ էր, եւ աւելի նման էր կնոջ, քան
 տղամարդու ձեռքին: Նա ձեռքը կոխեց
 ջրի մէջ, որը իսկոյն յատակին հասաւ,
 եւ մի ըոպէ չ'անցած, հանեց ոսկին՝
 եւ ուրախացած աղջկան տուեց: Աղջիկն
 այնպէս շնորհակալ եղաւ Գուամպո-
 ից, որ սա այլ եւս ուշք չը դարձնելով
 իւր ձեռնոցներին, կամեցաւ լցնել դա-
 տարկ ամանը եւ աղջկան տալ: Ինչքան
 էլ չնչին էր նորա բարի վարմունքը, բայց
 այն ըոպէից երբ նա այդ արաւ, իրան
 բոլորովին փոխուած տեսաւ, եւ առաջար-
 կեց աղջկան իւրը սափորն ուսին հետեւ ե-
 լաւ մինչեւ իրանց տուն, որովհետեւ
 երկուսն էլ մի ճանապարհով պիտի գնա-
 յին: Այսպիսով նոքա բարեկամացան եւ
 երբ տուն հասան եւ պէտք է բաժա-

նուէին, աղջիկն այնպէս աղաչանքով ներս
 էր հրաւիրում Գուամպոին իրեն հօրն ու
 մօր հետ տեսնուելու, որ նա ո՛չ միայն
 համաձայնուեցաւ, այլ եւ այնպիսի մի
 քաղաքավարութեամբ շնորհակալութիւն
 յայտնեց, որ ինքն էլ, ակամայ համոզուե-
 ցաւ, որ յիրաւի ամենագրաւիչ եւ սիրելի
 երիտառարդ է:

Գուամպօի բաղդից, աղջկայ մայրը շատ
 պարզասիրտ եւ բարի կին էր: Նա խղճաց
 աղքատ թափառական պատանու. վերայ,
 եւ ուղում էր վարձատրել նորան իւր աղջ-
 կան արած լաւութեան փոխարէն: Նա ո-
 չինչ չը գիտէր ձեռնոցների մասին, որովհե-
 տեւ աղբիւրից տուն վերադառնալիս,
 Գուամպօն խնդրել էր իւր փոքրիկ բա-
 րեկամուհուց ազատել իրեն եւ միւս ձեռ-
 նոցից, որովհետեւ այս կատարեալ ան-

խելք երկուսարդը վերջապէս հասկացաւ, որ ձեռնոցներից բացի վնասը օգուտ չունի: Նա այդպիսով եկաւ նոցա ագարակը, իբրեւ հասարակ մահկանացու, թէ եւ փոքր ինչ էլ քաղցած, բայց գորան հեշտ էր ճար անել: Նորան լաւ հուշտ ճաշ ուտեցրին: որին այնքան երկար ժամանակ կարօտում էր, եւ ապա խոհեմ տան տիկինը առաջարկեց նորան բանել այգիում: մինչեւ իւր ամուսնու վերագարձը: Գուամպօն չէր սիրում մշակութիւն անել, եւ ճիշտն անած, չէր էլ բնտեւ լացած աշխատելուն: բայց նա շարժուած էր այս բարի կնոջ վարմունքով: Առջտ ճաշը եւ սիրալիր հիւրընկալութիւնը գորացրին նորա ոյժերը: ձեռքերն այնպէս թեթեւ եւ արագ էին գործում, որ փոքր աւ փոքր գրասուեցաւ գործով

եւ սկսեց մեծ եռանդով փորել: Երբ կալուածատէրը վերագարձաւ, նա սիրով եւ յօժարութեամբ ընդունեց բարի եւ աշխատասէր մանկան, եւ դեռ արեւը մայր չըմտած, արդէն առաջարկել էր նորան պարապմունք եւ օթեւան: Գուամպօն սիրով ընդունեց այս առաջարկութիւնը, մոռանալով անգամ երազելու մօրը խօստուցած՝ չքել պալատի եւ վիզուկրեայ բազկաթռի վերայ:

Բաւական երկար ժամանակ էր անցել, իսկ Գուամպօն գարձեալ իւր ազնիւ բարեկամների մօտ էր կենում, եւ այնպէս լաւ էր կատարում իւր գործը, որ թէ եւ շատ չը հարստացաւ, բայց կարող էր ունենոր մարդ համարուիլ եւ լաւ ապագայի տէր: Նա այժմ իւր սեպհական տանն էր ապրում եւ առաջարկեց իւր

4 ՈՒՆ 1714-1715
 փոքրիկ բարեկամուհուհու որը այժմ գե-
 ղատեսիլ: Համեստ նշանելու աղջիկ էր
 դարձել, իրան կին լինել: Աղջկայ հայրը
 սաստիկ ուրախացաւ եւ ինքը իւր ոտով
 գնաց նորա ծնողացը հրաւիրելու, որ
 միասին հարսանիք անեն: Ինչ մեծ ու-
 բախութիւն էր, երբ Գուամպօի հայրն ու
 մայրը եկան: Մերունին, որ միշտ կար-
 ծում էր, թէ շաւելի լաւ է բարի եւ ազնիւ
 լինել, քան հարուստ եւ երեւելի, այն-
 քան ուրախ էր, երբ տեսնում էր, թէ
 ինչպէս բոլորը յարգանքով էին վար-
 վում իւր որդու հետ: Իսկ նորա կինը մնա-
 ցել էր զարմացած: Նա այնպէս հաստատ
 մտքումը դրել էր, որ անպատճառ փղոս-
 կրեայ բազկաթու պէտք է ունենայ, որ շատ
 դժուար էր համոզել նորան, թէ իւր որդու
 ընդունարանը զարդարող փափիկ բըր-

դեայ բազկաթուները աւելի լաւ եւ առաւել
 ամուր են փղոսկրեայ բազկաթուից: Բայց
 փոքր առ փոքր, իւր ապագայ հարսնա-
 ցուի ցոյց տուած սէրն ու համակրութիւնը
 սփոփեցին նորա վշտերը, եւ նա հետզհետէ
 առաւել սիրով եւ յօժարութեամբ ականջ
 էր դնում երիտասարդներին, երբ նոքա
 ապագայ կիանքի տեսակ տեսակ ծրա-
 գիրներ էին պատրաստում, թէ ինչպէս
 նոքա երջանիկ կեանք կ'անցնեն պտակուե-
 լուց յետոյ: Նա ուրախանում էր, որ ազ-
 նիւ երիտասարդ ամուսնները իրենց
 հոգսերով զբաղուած ժամանակն էլ դար-
 ձեալ չէին մոռացել ո՛չ իրան եւ ո՛չ ծե-
 րունի հիւանդ հօրը: Տեսնելով որ երիտա-
 սարդ հարս ու փեսան երբէ՛ք չեն մո-
 ռանում իրան, նա յիշեց այն տխուր օրը,
 երբ իւր սիրելի Գուամպօն ճանապարհ

ընկաւ բաղը որոնելու եւ մոռացաւ մին-
չեւ անգամ սիրելի մօրը: Այժմ նա կի-
սաձայն հարցրեց նորան. «Ի՞նչ եղան ձեռ-
նոցները»:

— Ես պահեցի ձեռնոցները, որ ձեզ
յանձնեմ, մայրիկ: Ինչ պոժմ ձեր էք, եւ
պետք է ձեզ լաւ պահպանէք ու տար
հագնուէք: Իսկ դոքա ինձ հարկաւոր
չեն: որովհետեւ ես ծաղիկ հասակումն եմ
եւ առողջ: Ես փորձով գիտեմ, որ մար-
դըս եթէ իւր պարտականութիւնները լաւ
է ճանաչում, եւ հաստատամտութեամբ
կատարում է նոյնը, ձեռքերը մաքուր
պահելու համար նորան ձեռնոցներ հար-
կաւոր չեն: Իսկ ուրիշին օգնելը առանց
ձեռնոցների աւելի յարմար է:



